

Karnival Kebolehpasaran MBPK 2025 peringkat Wilayah Persekutuan Labuan



Labuan, 12 Julai – Karnival Kebolehpasaran MBPK 2025 peringkat Wilayah Persekutuan Labuan telah dianjurkan pada 11-12 Julai 2025. Karnival KIK ini sebagai platform untuk mempamerkan kebolehan dan kemahiran Murid Berkeperluan Pendidikan Khas (MBPK) dalam bidang vokasional, keusahawanan dan kerjaya. Program ini selaras dengan usaha Kementerian Pendidikan Malaysia untuk memperkasakan potensi MBPK dalam aspek kebolehpasaran dan keterlibatan dalam ekonomi komuniti.

Kementerian Pendidikan telah berusaha bersama-sama dengan pelbagai agensi meneroka bidang TVET kepada MBPK bagi membuka mata banyak pihak atas keupayaan mereka. Sewajarnya, MBPK dilihat mampu bergerak secara inklusif seiring murid arus perdana dalam mencapai aspirasi pendidikan ke arah Malaysia MADANI. Justeru itu pelbagai peluang perlu disediakan dan diberikan kepada MBPK bagi mencorak masa depan mereka.







